

46. **Zygopetalum Wendlandi**: aff. *Zygopetalum aromaticum* Rehb. fil. sepalis lateralibus deflexis, labello basi utrinque juxta unguem retrorse acuto angulato, dein paulo constricto antice cordato toto limbo antico multilobulato, callo baseos semilunato, lamellis quinque medianis longioribus, reliquis in cornubus posticis labelli decrescentibus, columna juxta foveam utrinque quadrangulo producta.

Habitus omnium *Warscewiczellarum*. Folia cuneato oblongoligulata acuta. Pedunculus medio vagina ampla acuminata; apice spathis duabus membranaceis ovarium pedicellatum subaequantibus. Flos illi *Zygopetali* discoloris aequalis. Sepalum dorsale ac tepala arrecta, sepala lateralia deflexa, hinc perigonium labello incluso quasi trilabiatum. Flos albus disco labelli antico violaceopurpureo. Caudicula pentangula glandula supposita. Labelli pars posterior crassior, quam anterior.

Flores vivos obtinui ex horto Herrenhusano. Olim putavi esse *Zygopetalum aromaticum*. Flos exsiccatus tamen aequae ac pictura *Warscewicziana* perigonio stellato ac labello adeo differunt, ut nova species nunc mihi planta videatur.

In montis Irazu pede (Specimina spontanea non suppetunt).